

Na osnovu zaključenog Okvirnog sporazuma broj:01-03-2704/20 od 16.09.2020. godine, a nakon provedenog Otvorenog postupka javne nabavke za izbor najpovoljnijeg ponuđača za nabavku primarne i sekundarne ambalaže za potrebe JU „Apoteke Sarajevo“, dana 04.11.2020. godine, zaključen je

Ugovor o nabavci sekundarne ambalaže, uputstava i signature za izradu preparata u Galenskom laboratoriju „Galas“

-LOT 3 -

Između

JU „Apoteke Sarajevo“, ul. Kranjčevićeva br. 29, 71 000 Sarajevo, ID:4200280090003, koju zastupa generalni direktor Nedim Hrelja mr. ph. MBA (u daljem tekstu: **Naručilac**)

i

KLAUR INTERNATIONAL D.O.O. Sarajevo, ul. Tome Mendeša 45, 71320 Vogošća, ID:420204290008, koje zastupa direktor Slađan Ibrišbegović (u daljem tekstu: **Isporučilac**)

Član 1.

Ovim ugovorom se utvrđuju uslovi za isporuku robe

- **Nabavka sekundarne ambalaže, uputstava i signature za izradu preparata u Galenskom laboratoriju „Galas**

u skladu sa uslovima iz tenderske dokumentacije, ponudom Isporučioca, odredbama Okvirnog sporazuma broj: 01-03-2704/20 od 16.09.2020. godine i narudžbom Naručioca od 25.09.2020. godine.

Navedena narudžbenica data je u prilogu ovog ugovora i čini njegov sastavni dio.

Član 2.

Isporučilac je Naručiocu isporučio robu ugovorene vrste i kvaliteta, u svemu prema datoj ponudi i narudžbi Naručioca.

Roba koja je predmet ovog ugovora isporučena je Naručiocu na osnovu narudžbenica navedenih u članu 1. ugovora.

Ugovor stupa na snagu danom potpisivanja obje ugovorne strane s tim da ako su različiti datumi potpisivanja, kao dan stupanja na snagu računa se posljednji datum potpisivanja.

Član 4.

Ukupna vrijednost ugovora iznosi 4.268,00 KM (bez PDV-a), odnosno 4.993,56 KM (sa PDV-om).

Jedinične cijene su iskazane u ponudi Isporučioca i u Okvirnom sporazumu broj broj:01-03-2704/20 od 16.09.2020. godine. Cijene su fiksne i ne mogu se mijenjati za sve vrijeme važenja ugovora.

Član 5.

Ovaj ugovor predstavlja obavezu Naručioca na nabavku roba od Isporučioca, navedenih u narudžbi i specifikaciji.

Član 6.

Naručilac će isporučiocu plaćati cijenu u roku od 60 (šezdeset) dana od dana ispostavljene fakture.

Član 7.

Isporučilac je dužan da isporuči robu najkasnije u roku od 15 (petnaest) dana od dana slanja narudžbe Naručioca.

Član 8.

U slučaju kašnjenja u isporuci roba iz ugovora, do kojeg je došlo krivicom Isporučioca, isti će platiti ugovornu kaznu u skladu sa Zakonom o obligacionim odnosima u iznosu od 0,6 % naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti. Isporučilac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca. Naručilac je dužan da prilikom prijema robe bez odlaganja obavijesti Isporučioca da zadržava pravo na ugovornu kaznu.

Naručilac neće naplatiti ugovorenu kaznu ukoliko je do kašnjenja došlo usljed više sile. Viša sila podrazumijeva vanredne događaje koji se ne mogu predvidjeti, koji su se dogodili bez volje i uticaja ugovornih strana i koji nisu mogli biti spriječeni od ugovorne strane koja je pogođena višom silom. Višom silom se mogu smatrati poplave, zemljotresi, požari, rat, neredi, štrajkovi, imperativne odluke vlasti kao što je zabrana prometa, uvoza, izvoza i slično. Ugovorna strana koja je pogođena višom silom je obavezna odmah obavijestiti drugu stranu u pismenoj formi o nastanku više sile te dostaviti odgovarajuće dokaze.

Pravo Naručioca na naplatu ugovorne kazne ne utiče na pravo zahtijevanja naknade štete.

Član 9.

Za sve što nije regulisano ovim ugovorom primjenjivat će se odgovarajuće odredbe Okvirnog sporazuma broj:01-03-2704/20 od 16.09.2020. godine i Zakona o obligacionim odnosima.

Član 10.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi, štrajkovi), imperativne odluke vlasti (zabrana prometa, uvoza, izvoza) i sl. Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti i dostaviti odgovarajuće dokaze.

Član 11.

Sastavni dio ovog ugovora čini ponuda Isporučioca data u postupku javne nabavke broj 2508-20/01, kao i Narudžba Naručioca navedene u članu 1. ovog ugovora.

Član 12.

Isporučilac je u smislu osiguranja izvršenja obaveza po ovom ugovoru, obavezan Naručiocu dostaviti garanciju za uredno izvršenje ugovora u iznosu od **10 % ukupne vrijednosti ugovora.**

Isporučilac će garanciju iz predhodnog stava dostaviti u roku od 7 /sedam/ dana od dana **obostranog zaključivanja/potpisivanja ugovora.**

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz predhodnog stava, zaključeni ugovor će se smatrati apsolutno ništavim.

Član 13.

Isporučilac nema pravo zapošljavati u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke, najmanje 6 /šest/ mjeseci po zaključenju ugovora, odnosno od početka realizacije ugovora.

Član 14.

Sve sporove koji proisteknu u realizaciji ovog ugovora strane će rješavati sporazumno.

U slučaju da sporazum nije moguć, spor će rješavati nadležni sud u Sarajevu.

Član 15.

Ovaj ugovor je zaključen u 4 (četiri) istovjetna primjerka od kojih po 2 (dva) primjerka zadržava svaka ugovorna strana.

JU „Apoteke Sarajevo“
Nedim Hrelja mr. ph. MBA
Generalni direktor

KLAUR INTERNATIONAL D.O.O. Sarajevo
Slađan Ibršbegović
Direktor

Broj: 01-03-3152/20
Datum: 04.11.2020. g.

Broj: 020/01
Datum: 19. 11. 2020